

KOMBATÍ POBRESA

Bondoet 2023 ta 'on'



Djabièrnè mainta a tuma lugá apertura ofisial di Bondoet na Jong Bonaire. Signalda Domacassé, presidente di Plataforma NGO Boneiru, a dirigí palabra na esnan presente, miéntras Diputado Elvis Tjin Asjoe a hasi e parti di apertura.

Areglo
nobo ta
trese segregashon
PAG:5



CHANGAN AUTO



CS55 PLUS

f /dabboussimotors

MANTENE BO
VEHIKULO OF
EKIPO DEN
KONDISHON
KU PIESANAN
KUMPRÁ NA NAPA



xerox™



OBERSI
ELECTRONICS
BONAIRE

\$10 FREE
SLOT
PLAY

Sign up for your FREE Player's Card
and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO
CASINO

Zr.Ms. Holland ta interseptá droga

KRALENDIJK -- E barku di Marina Hulandes, Zr.Ms. Holland, a interseptá dos transporte di droga dia 25 di febrüari, den koperashon ku Marina di Colombia, riba Laman Karibe.

E botonan rápido a keda deskubrí pa medio di un avion di patruya marítimo di Warda Kosta Region Karibe i un helikòpter di Marina Kolombiano. Hr.Ms. Holland a manda un helikòpter embarká di Warda Kosta Merikano i e FRISC, un boto rápido, ku un ekipo kombiná di tripulashon di e barku i a bai abordo di e destakamentu di mantenishon di lei di Warda Kosta

Merikano.

Despues di a duna señalnan pa stòp, e go-fast no kier a stòp. Despues di a lòs algun tiru di atvertimentu, e presunto kontrabandistanan a entregá nan mes.

E di dos go-fast a keda detené pa e barku di Marina Kolombiano, ARC Victoria. En total 800 kilo di kokaina a keda konfiská. E presunto kontrabandistanan i e kontrabanda a keda trasladá pa Warda Kosta Merikano. E presunto kontrabandistanan lo keda persiguí na Estádos Unidos.

Zr.Ms. Holland desde òktober 2022 a keda desplegó komo barku pa-

truyero den Region Karibe Hulandes i ta alterná e lucha kontra droga ku apoyo di Warda Kosta Region Ka-

ribe Hulandes i ku Warda Kosta di Estádos Unidos di Merka.

E barkunan Hulandes

den Region Karibe tambe ta koperá ku Marina di Colombia den e lucha kontra droga.



VERONICA WONG
#23

#HUNTU

"Huntu nos ta para pa e imigrantenan tin bos den e gobièrnu"

MPB
Movimiento Pueblo Bonaireño

Jalvicar B.V.

ta buska

- 2 auto-monteur

- mester tin 3 aña di eksperiensia
- ku por traha den tim i hopi responsabilidad.

Inf. tel. **+599 717-3163 / 777-3546**

Inventarisashon di kamer pa 2023:

TCB ta lansa investigashon

KRALENDIJK- Tourism Corporation Bonaire (TCB) a lansa su investigashon di inventarisashon di kamer di kada dos aña pa optené informashon balioso pa loke ta trata kresementu i desaroyo di industria di turismo na nos isla. E investigashon ta intenshoná pa duna sosten na e metanan turístiko di e industria i na mes momentu duna input balioso ku tur stakeholder tin benefisio di dje. Komo parti di e investigashon

TCB ta invitá tur operador, doño i mèneder di nos hotèlnan i otro akomodashonnan/stakeholdernan pa partisipá na e investigashon di inventarisashon di kamer i pa duna informashon konfidensial tokante e kantidat di kamer i tokante kresementu i kambionan na nos isla, inkluso e prestashonnan di e 12 lunanan tras di lomba.

Lo usa e informashon akí pa determiná e situashon aktual di e sektor. "Inventarisashon ta un instrumen-

to esensial pa haña un bista den e estado aktual di e industria di turismo na Bonaire", segun direktor di TCB, Miles Mercera. "Pa medio di ehkushon di e investigashon akí, nos por haña informashon balioso pa loke ta trata e potensial di kresementu di e sektor i nos por identifiká áreanan kaminda mehorashon por ta nesesario. Nos ta enkurashá tur stakeholder pa partisipá na e investigashon pa asina sostené kresementu duradero di industria di turismo na nos isla."

E resultadonan lo sostené e strategianan di merkadeo di e sektor i duna mentu di servisio di kalidat na nos bishitantenan.

TCB a ehkutá e último inventarisashon na aña 2021 i awor akí gustosamente ke haña e datonan mas resien pa por tuma desishonnan bon balansá.

Pa mas informashon tokante e investigashon di inventarisashon di kamer òf pa partisipá na e investigashon, bo por tuma kontakto ku TCB via marketing@bonaireisland.com





N
E

Mi kolega Maya a kòrda mi riba e kolumna aki. Mi mester ta honesto, no ta un bon momentu. Mi ta trahando for di mainta. Skirbiendo, hasi entrevista i naturalmente buska informashon. Basta tempu ta bai den e trabou aki. Aki 1 ora mi mester bai graba un 'podcast' pa Ret Karibense.

Despues di bishita di famia real mi a spera ku nos ta bai haña mas trankilidat. Lo kontrali, elekshon tambe ta eksigí su energia. Tambe interes for di Hulanda. Un medio Hlandes a aserká mi pa algun komentario pa ku elekshon, loke mi a rechasá. Djis mi no tin tempu.

Mi a pone pa mi mes ku mi ta hala e liña di eksagerá orario di trabou. Mi mester balansá esaki, mi ta riba bon kaminda pa kuné. Mi no por keda sin menshoná kon asombrá mi ta di e kampaña polítiko aktual. Ta promé bia mi ta eksperiensia elekshon pero ku e brel di un periodista. Esta un temporada intensivo, asta straño, pekuar. Loke mi ta haña pekuar ta kon e ta mi-shi ku mi, riba base personal.

Lesadó, mi ta primintí ku despues di elekshon lo mi amplia tokante tur loke mi a topa, skucha i sinti. Pero e pida aki si mi ke kompartí ku bo. Si ta kuadra loke un polítiko a bisa mi, na e momentu aki mi nòmber ta na polis i Ministerio Públiko. Pasombra el a bai hasi denunsia. Mi a hasié un pregunta durante un entrevista i awor e ke sa nòmber di mi fuente, naturalmente mi a ninga esaki. Mirando ku el a skucha e rumornan na vários okashon el a bai eksigí pa bin un investigashon pa ku esaki.

Polítika ta interesante si. Mi trabou ta pone mi den posishon ku mi mester profundisá den e partidonan i kiko nan ta para p'e. Mi ta den e posishon di realmente pensa i evaluá kada partido su puntonan di lansa. Loke m'a siña? No enfoká riba un persona pasombra e ta papia bon, òf nò. Wak e 'big picture'. Wak e contenido di e partido den su totalidat, kon nan ta bai goberná. Ami a hasi esaki i frankamente djárasen lo mi vota pa un persona a base di loke nan ke logra i kon ta bai logr'e.

KOMBATÍ POBRESA

KRALENDIJK- Kampaña polítiko a drenta den su fase final. Komunitat boneriano por a nota ku tur partido polítiko ta di akuerdo riba prinsipalmente 1 tema. Awor mester kombatí pobresa. No aki 5 òf 10 aña pero awe. No ta un pensamentu sorprendente mirando ku mas ku 40 porshento di nos poblashon ta biba den pobresa.

E pregunta ta surgi ta kon mester kombatí pobresa si básikamente mayoria 'hèrmènt' pa hasi esaki ta den man di Den Haag? Entre otro stipulá un sosial mínimo, hisa penshon, ònderstant i suèldu mínimo. Tur e 6 partidonan ku pueblo por elegí 15 di mart próksimo ta determiná pa pone mas preshon riba Den Haag tokante e topiko aki.

Ta aparentá ku Entidat Públiko Boneiru (EPB) no por hasi mashá. Sinembargo kada partido ta haña ku EPB tin e responsabilidad di kombatí pobresa. "Ta imposibel ku un hende mester biba den pobresa. Ta kontra nos derecho humano fundamental", Suzy Thodé, lider di partido

URB a bisa.

Pa Daisy Coffie, lider di M21 mester kuminsá invertí den nos mes hendenan. "Nos no tin petrolio òf materia prima. Pero sí nos tin hendenan ku nos por invertí aden pa nan por hasi karera."

Miéntas Jona Chirino-Felida segundo kandidato riba lista di UPB ta boga pa konsientisá nos hendenan kon pa dil ku sèn, Clark Abraham ta enfatisá ku hende mester por kome promé. "Hende ku hamber no por siña. Hende mester di kuminda awor", lider di partido PDB a bisa.

Pa kombatí e 'hamber' aki, por ta un solushon pa EPB finansiá nos bankonan di kuminda. Aljano Emerenciana di 1Union pa Pueblo ta kontra e idea aki. "Mi ta kontra un banco di kuminda. Bo ta hasi bo pueblo floho. Hende mester tin trabou pa traha i no bai banco di kuminda."

Chirino-Felida no solamente ta di akuerdo pa EPB finansiá e bankonan di kuminda, alabes e ta agregá algu mas. "Bankonan di kuminda mester ofrese pakete

igual. Ademas mester tene cuenta ku hende su dieta", el a bisa.

Hennyson Thielman lider di MPB ta rekordá ku ta koalishon a amplia e makutu básiko. Tambe e ta haña ku EPB mester yuda bankonan di kuminda pero esaki ta Den Haag su responsabilidad. MPB ta splika ku e último 4 aña nan a enfoká riba subida di en-

trada, ònderstant, penshon i kompensashon pa yu. Awor lo bai enfoká riba kon baha gastunan ku ta hasi bida na Boneiru sumamente karu.

Bon mirá, durante e próksimo etapa di gobernashon tur partido lo enfoká riba kombatementu di pobresa.

Esaki ta kada un su meta, loke ta diferente ta kon nan ke logra e meta aki.

Empleadonan i stazjèr di LVV plantando vários fruta i berdura

KRALENDIJK — Landbouw, Veteelt en Visserij tin nan man yen e dianan aki. Huntu ku nan stazjèr Ruud van Arkel empleadonan di LVV pa

planta 2 hèktar di palu di fruta.

E tereno lo produsí kenepa, tamarein, mango, awakati, kashu, granatapel, lamunchi i papaya.



Florian Fast Cleaning Services B.V.

ta buska

- 1 Cleaning Supervisor
- 2 koelmonteur

Mas inf. tel. **nr 785-4986**

Wood Works Import B.V.

ta buska

- 2 albañiles - 1 pintor
- 2 carpinteros

Mas inf. tel. nr **700-3907**

NA KAMINDA PA ELEKSHON

Demokrat den moda

KRALENDIJK- Partido kòrá na un manera basta ingenioso ta demostrá ku nan ta sigui moda. Pues nan ta kere den goberná den stail. E partido ta ofresé diferente shal, asina nan siguidónan por lusi durante kampaña i dia di elekshon. Riba nan página di facebook, nan ta asta duna un demostrashon kon tur por usa e shal.



Renata Domacassé:

Muhé fuertemente representá riba lista di MPB

KRALENDIJK – “Muhé ta fuertemente representá riba lista di MPB.” Esaki kandidato number dos riba lista di e partido, Renata Domacassé, a duna di konosé durante programa di e partido na Bonaire.tv.

Pa loko ta trata e motibu di su afiliashon na MPB, Domacassé a bisa ku for di komienso e ta ku MPB.

Domacassé: “Mi a haña mi den polítika direpente, mi ta un hende enbolbí ku

hopi organisashon sosial, pero no ku polítika. Mi no por a haña mi mes den niun partido ku tabatin e tempu ei. Mi a mira ku mester di algu otro, mas moderno i e vishonnan ku mi tin pa Boneiru, tabata representá den MPB.” “Nos ta un partido yòn i bo ta desaroyá, nos ta un partido ku ta eksigí hopi tempu i sakrifisio i komo hende muhé no ta tur biá por hasi esaki i mester skohe algu otro”, segun

Domacassé.

Domacassé a sigui bisa, tin biá e ta bon un hende ta desaroyá den su karera, òf den su bida i e mester skohe algu otro i no tur biá e ta bai den kombinashon ku polítika. Pues e ta komprondé, pero bo ta mira bo hendenan bon ta desaroyá, pero despues ta sigui pa otro kos. Pero ketu bai hende muhé ta bon representá riba lista di MPB i hende muhé fuerte.



M21 ta bai p'e hende

KRALENDIJK- M21 a boga semper pa e hende. Nan ta haña ku nos hendenan t kurason di tur desaroyo . Nos barionan ta kurason di nos infrastruk-tura.

Nan ta bai pa un Un Boneiru sosial-liberal ku atenshon pa tur ku ta vulnerabel den nos komunidat. Ophetivonan di Desaroyo Sostenibel #1 di Nashonnan Uní ku Hulanda tambe

a firmá ta: kombatí pobresa. Nos ta para pa e Ophetivonan di Desaroyo Sostenibel aki. M21 ta desido pa minimalisá pobresa na Boneiru dor di kasnan pagabel, entrada hustu i trabou pa un i tur.

Un Boneiru demokrátiko, partisipativo, inklusivo, unda bos di kada Boneriano ta konta. Den un demokrasia kada bos ta konta. M21 ta boga pa bos

di kada habitante di Boneiru haña oido semper, no solamente ora di elekshon, i no solamente na Boneiru pero tambe na Den Haag. Atenshon spesial pa nivelá nos relashon ku Hulanda.

Un Boneiru desaroyá unda tur hende tin e posibilidat pa desaroyá nan potensial máksimo. M21 ta boga pa un Boneiru kaminda e Boneriano su desaroyo no ta dependé di su konosinan

o polítikonan, sino di su konosementu.

Un Boneiru ku ta krese teniendo kuenta ku infra-estrutura i ku ta seif pa tur habitante den tur sentido di palabra. M21 ta boga pa un sistema di infrastruk-tura duradero, fásil pa mantené na kosto abou i seif pa un i tur. Mester por garantisá siguridat pa tur siudadano na kas, den barío, na trabou i tambe ora di kalamidat.



NA KAMINDA PA ELEKSHON

Milena Winklaar di MPB:

Polítika ta algu masha bunita

KRALENDIJK

— “Polítika ta algu masha bunita mes, pero ta dependé kiko hende ta hasi i esei ta keda na kada ken.” Esaki Milena Winklaar di MPB a bisa. Durante e programa di e partido na Bonaire.tv, e ta konta di su eksperensia ku polítika, primeramente afiliá na APB i awor ku MPB.

Winklaar ta konta: “E ta algu masha normal pa mi pasobra na aña 2011 mi a konosé e mundu di polítika temporada ku mi tabatin 20 aña. UPB a aserká mi pa subi lista komo un hóben i ku kurason pa Boneiru mi a hasié. Momentu ku elekshon a pasa mi tabata



elegibel i a drenta Konseho Insular komo e miembro di mas yòn den historia. Semper mi a keda loyal na UPB.”

Winklaar ta sigui konta, tres aña despues el a tuma retiru for di Konseho Insular, pero a keda den direktiva di e partido. Na desèmber 2017 el a tuma retiru for

di direktiva i for di e tempu ei a keda kompletamente leu for di polítika.

Polítika ta algu masha bunita mes, pero ta dependé kiko hende ta hasi i esei ta keda na kada ken. “Mi no ta bisa ku mi ta desepshoná den polítika, ami sigur ke ta otro pa demostrá kon kosnan por bai otro. Mi tin

hopi rèspèt pa UPB i no a sali ku ningun sistema di konflikto. Mi a disidí di tuma retiru for di direktiva, pasobra mi ta haña ku mi no tabata haña mi mes mas den e liña di maneho i esei puramente tin di aber ku mi prinsipionan propio,” Winklaar a bisa.

Winklaar a indiká semper su kurason ta bati duru pa Boneiru i e ke mira adelante pa e isla. E ta kere ku kada hende tin kurason pa e isla i ke enbolbí den kualke organisashon ku ta traha na benefisio di e lugá akí, bo tin bo kurason na un lugá korekto.

Awor despues di seis aña

e oportunitat a presentá, segun Winklaar. Tin otro partidonan ku tambe a aserk’é, pero mi a disidí ku no ta e momentu ainda, pero no a sera porta pa papia ku hende, pasobra e ta kere den interkambio por yega hopi leu. E ora ei el a bai e kombersashonnan, a papia pero e no a sera porta. For di e promé kombersashon ku el a hiba, el a sali ku e pensamentu yen. El a sintié den un área ku e gusta bèk, pero a bai kas ku e meta pa bai pensa si e ta bai sí òf nò.

Winklaar: “Meimei di yanüari MPB a aserká mi i mi a aseptá i ta sintí mi kómodo.”

Poniendo mîles di hûrdó den problema finansiero

Areglo nobo ta trese segregashon

KRALENDIJK—E areglo nobo di Kolegio Ehekutivo di preis di hûr di kas, ta trese segregashon. Esaki ta pone mîles di hûrdó den problema finansiero i ta oumentá skarsedat di bibienda pagabel na Boneiru. Esaki di akuerdo ku Frakshon di Partido Demokrat.

Den su último reunion regular djamars 7 di mart, koalishon MPB i UPB, a dal otro sla duru na bibienda pagabel. MPB/UPB a proponé pa oumentá preis máksimo di hûr di tur kas sosial ku 25%, di 750 dòler pa 937 dòler i tambe a stipulá ku solamente un grupo chikitu di hûrdó ta bini na remarke pa supsidio di hûr.

Solamente hûrdó di kasnan di Fundashon Cas Boneriano (FCB), ku ta manehá un parti chikitu, shete porshento so, di tur

bibienda na Boneiru, lo probechá di e areglo nobo pa supsidio di hûr.

FCB tin 600 kas, pero nan mes ta indiká ku tin nan tin un lista di espera di por lo ménos 1600 famia ku a pidi kas. Tur otro hûrdó, ku no ta hûr kas for di FCB, no ta risibí supsidio pa logra baha nan gastu di bibienda.

Tambe lo ta asina ku solamente hûrdó di kas di FCB ku tin un entrada mínimo, ta probechá di e stipulashon ku máksimo 10% di nan entrada por bai hûr di nan bibienda. Sobra habitante ku tin entrada mínimo, nan hûr por kosta praktikamente henter nan entrada.

No por kumpli

Gran mayoria di bibienda pagabel ta den sektor privá. Niun hûrdó den sektor privá lo probechá di e

supsidio di hûr, ni di e stipulashon ku no por dediká mas ku 10% di un entrada mínimo na gastu di hûr, apesar ku Gobièrnu ta na altura ku FCB no por kumpli ku e demanda di bibienda sosial. Pues, un hûrdó di FCB ku tin salario mínimo di 1236 dòler i ta hûr un kas preis di hûr di 937 dòler, ta paga solamente 123.60 dòler mensual na hûr, ku ta di aploudí.

Pero, un hûrdó den mesun situashon finansiero lo paga 937 dòler kompleto pa luna pa mesun kas, sí e ta hûr di un doño privá. Ademas, e kalifikashon di bario den kategoria i preisnan máksimo, ta pone ku doñonan privá chikitu di bibienda no por sigui konstruí den sierto bario manera Antriol, Nort Saliña, Rincon, Nikiboko, Tera

Korá, lokual ta trese mas skarsedat di bibienda i segregashon den pueblo.

Ta bini aserka e bibiendan akí no ta bini na remarke pa mesun alivio tampoko.

Asina mîles di hûrdó lo kai den mas problema finansiero, miéntras ku e kantidat di bibienda pagabel disponibel na Boneiru lo

bai baha.

Pa trata na salvaguardá pueblo, Demokrat a introdusí un enmienda ku lo a hasi e supsidio di hûr disponibel pa tur hûrdó a base di nan entrada, irespekto di ken ta doño di e kas, sea FCB òf otro.

Pero lástimamente frakshon di MPB i UPB a vota kontra di e enmienda akí.

KOLEGIO EHEKUTIVO

TA SUBI

TUR PREIS DI HÛR KU

25% DI \$750 PA \$937



Habitante Kaya Antonio Neuman ta pidi ousilio

KRALENDIJK – Habitantenan di Kaya Antonio Neuman na Playa Pabou ta pidi ousilio pa e situashon ku tin den e kaya. E kaya tin kasi un aña bou di awa, den e situashon manera ku por mira riba e foto.

Na vários okashon a bin pòmp e awa, pero no ta dura masha ku esaki ta bolbe yena bèk. Ta bon pa bisa ku esaki no ta awa di yobida, sigur mirando e echo ku siman pasá a bolbe pasa pòmp e awa, pero áwaseru

no a kai, pero esaki a bolbe yena bèk.

Habitantenan a hasi reklamo vários biá, pero tin ku ta bisa ku nan ta bin wak e situashon, saka potrèt i despues nada mas ta pasa.



Despues di reklamo di habitantenan di Tera Korá

Selibon ta kita kòntainer di separá sushi

KRALENDIJK- Selibon NV a tuma nota di reklamo di habitantenan di e barío di Tera Korá relashoná ku e sitio kaminda a pone un kòntainer pa kolektá shushi separá. Despues ku gerensia di Selibon a papia ku 2

presidente di 2 komishon aktivo den barío, a disidí pa kita e kòntainer i e baki di glas.

Riba djaweps 9 di mart 2023 a laga kita esakinan i lo evaluá huntu ku e komishonnan si lo pone esakinan bèk.



Djasabra 11 di mart 18:30 – 21:00

Charla

Idioma den
**Konteksto
Multilingual**

Plaza Resort - Sala Cacique



NIHAYRA
LEONA



DR. MARTA
DIJKHOFF

Academia
A
Papiamentu



R.C. ANZOLA
GERECHTSDEURWAARDERS & INCASSO

Blijkens exploit d.d. 10 maart 2023 van gerechtsdeurwaarder R.C. Anzola te Bonaire CN, is op verzoek van **Unisense International Holding B.V.**, woonplaats kiezende te Bonaire aan de Julio Abraham Blvd. No. 82 Unit IV, ten kantore van mr. A.C.A Gonzales, aan **Villas Del Mar N.V.**, thans zonder bekende woonplaats of feitelijk kantooradres binnen Bonaire, ten parkette van de Officier van Justitie BES betekend het verzoekschrift verklaring voor recht, waarin Villas Del Mar N.V. wordt opgeroepen om op **woensdag, 28 juni 2023 om 09:10 uur** te verschijnen in het Gerechtsgebouw in het Fort Oranje op Bonaire, aan het adres Plasa Reina Wilhelmina no. 1, voor de mondelinge behandeling van deze zaak.

Na deugdelijke legitimatie kan een afschrift van genoemd exploit van betekening door betrokkene(n) worden verkregen op het onderstaand adres:

R.C. Anzola Gerechtsdeurwaarders & Incasso,
Kaya Gilberto F. Croes no. 2,
T (+ 599) 700 7405 T (+ 599) 717 0425, danwel
per e-mail: info@rcanzola.com

Duda den kambio primintí

KRALENDIJK -- ABC Online Media, ku ta responsabel pa publikashonnan den Bonaire.nu i Awor.nu, tin indikashonnan fuerte ku gobièrnu, formá pa UPB i MPB, no ta papiando e bèrdat kompleto tokante embeyesimentu di Bachelor's Beach na Belnem.

Resientemente a kanselá na último momentu inougurashon di un bòrchi di e proyekto na e playa popular, despues ku un avalancha di kritika riba e plannan ku tin pa e akshon i remodelashon di e playa tabata vislumbrando.

Den deklarashonnan di prensa i publikashonnan

riba nan propio sitio wèb, www.bonairegov.com, Kolegio Ehekutivo a trata di splika ku lo a kambia e diseño di e proyekto pa embeyesimentu di e playa.

“Entidat Públiko Boneiru a disidí aña pasá ku lo no bini playa ni stulnan di drumi na Bachelor's Beach. A adaptá e renobashon planiá riba diferente punto, di manera ku e ta koincidí mas ku deseonan di e pueblo di Boneiru,” Entidat Públiko Boneiru ta skirbi 28 di febrüari riba su sitio web-site.

Ehèmpelnan di otro adaptashon, ménos esnan menshoná, ta segun e me-

sun informashon ku lo no kambia e trapi eksistente, pero si lo renob'é. Tambe Kolegio Ehekutivo ta bisa ku lo krea mas sitio di para outo sólido, kompará ku e diseño original i lo konstruí solamente un kiosko na lugá di tres.

Inkorekto

E ponensianan ku gobièrnu ta trese dilanti tokante e adaptashonnan di e diseño di e playa ta resultá di ta inkorekto. ABC Online Media ta komprondé for di fuente por lo general fidedigno, ku no solamente ta eksistí un diseño nobo, pero ku gerente di Direkto-

rado di Espasio i Desaroyo di e mesun Entidat Públiko, a konfirmá ku lo ehekutá e plan manera a diseñ'é originalmente.

Mientrastantu tin inklaridat tambe tokante konseshon di ehekushon di e proyekto i ku e arkitekto di e plan, Gino Obersi Architecture (GOA), lo a konselhá pa hasi e destaho komplementamente di nobo.

Tambe ABC Online Media ta komprondé ku GOA lo a spièrta Entidat Públiko Boneiru ku esaki no tin e libertat pa adaptá e plan original, sin kordiná ku GOA komo diseñadó di e

plan. Si resultá ku hasi esei tòg, e lo ta potensialmente responsabel pa kualke pèrdida òf dañu ku resultá debí na su aktuashon.

Posponé

No por mira e echo ku a kanselá na último momentu e desvelo di e bòrchi di e proyekto otro ku un intento di Kolegio Ehekutivo pa posponé e diskushon riba e proyekto pa despues di e fecha di elekshon.

Ku mientrastantu lo tin papiá ku ta eksistí un otro diseño adaptá sinembargo no ta kuadra ku bèrdat.

Programanan di Bonaire.tv

TELBO kanal 70

Flamingo TV kanal 23

Djasabra 11 mart 2023

12.00 Herensia:	Nort'i Saliña 12 (Kas pa kas)
13.00 Aki Boneiru:	Rekordando Yufrou Joy
15.00 Programa Politiko:	MPB ta Informa Episodio 19
16.00 Aktualidat:	Clark Abraham
17.00 Programa Politiko:	MPB ta Informa Episodio 18
18.00 Herensia:	Hubert (Ibi) Janzen-Randolph King
19.00 Dokumental:	Forma
20.00 Aktualidat:	Daisy Coffie
21.00 Programa Politiko:	MPB ta Informa Episodio 17
22.00 Herensia:	Samuel Giberts (Ibi) Seraus
23.00 BAPA:	Gibi Bomba

Djadumingu 12 mart 2023

12.00 Aktualidat:	Rodger Gijsbertha
13.00 Programa Politiko:	MPB ta Informa Episodio 20
14.00 MNB:	Jan Kloos
15.30 Puerto Latino:	Luis Zárraga
16.00 Herensia:	Nort'i Saliña 12 (Kas pa kas)
17.00 Aki Boneiru:	Rekordando Yufrou Joy
19.00 Programa Politiko:	MPB ta Informa Episodio 19
20.00 Aktualidat:	Clark Abraham
21.00 Programa Politiko:	MPB ta Informa Episodio 18
22.00 Herensia:	Hubert (Ibi) Janzen-Randolph King
23.00 Dokumental:	Forma

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.



BO TAMBE TA YEN DI PREGUNTA?

“Pakiko bo ta abatí, O mi alma? I pakiko bo a bira intrankil den mi? Spera riba Dios, pasobra lo mi bolbe alab'E pa e yudansa di Su presensia.” Salmo 42:5(BS)

Bo tambe tabatin e siguiente preguntanan akí algun biaha den bo boka?

Òf ainda ta puntra ... Kiko lo pasa si mi ...? I SI? Kiko lo sosodé ku mi? I si nunka mi kasa? I si mi pèrdè mi trabou? I si nan no tuma mi na e skol òf e programa? I si mi mes òf mama, tata, mi yu(nan) tuma e desishon robes? I si mi sèn no ta yega?

Amigu, nos no sa kiko ta di mañan, ma un kos si mi sa i ta kere ku: DIOS TA BON! I E TIN nos futuro den Su Man. Ami i abo no mester tin miedu pa e kosnan ku por sali malu den nos bidanan.

Ounke nos ta konsiente di e kosnan difísil i tristu, nos POR KONFIA ku DIOS ta i lo obra pa bon i pa Su gloria. Dikon nos por keda trankil i konfia Dios di henter nos kurason? Ta pa motibu ku DIOS ta BON! Salmo 86:5 ta bisa: “Pasobra Abo, Señor, ta bon, i kla pa pordoná, i abundante den miserikòrdia pa tur esnan ku ta sklama na Bo.”

Ami ta skohe pa konfia den djE, apesar di tur miedu ku mi por tin, tur mal eksperensia i situashon difísil bibá, tur tristesa i desánimo. Pasobra Dios ta bon.

Awor, kiko bo ta bai hasi? Konfia Dios? Òf sigui ku bo preguntanan?

Diannenara Mercera

Produkshon PGM

Simadan ta e fiesta di kosecha di Boneiru. Un selebrashon pa medio di kua hendenan di ántes, ku tabata biba i sobrebibí di loke nan kunukeronan tabata produsí, tabata gradisí Dios pa e kosecha ku nan a haña. Na Kòrsou e fiesta aki ta konosí bou di e nòmber seú. Aruba no tabata konosé un selebrashon di e forma aki, anke tin un boneriano ku a bai biba na Aruba siglo ku a hiba e selebrashon aki den e barío Brasil. Den un seri riba tur djasabra BONERIANO ta dediká atenshon na 'Simadan'.

Plantamentu

Pa konosé Boneiru i su promé pobladónan nos ta dependé di investigashon arkeológiko ku arkeólogo dr. Jay Haviser a hasi na Boneiru na masoméno 1990. For di e investigashon aki el a publiká e buki 'The First Bonaireans'.

Dr. Jay Haviser ta parti e habitantenan original di Boneiru den dos grupo. E promé grupo ku a yega e isla aki e ta deskribí komo amerindionan di tempu arkaiko, ku a yega e isla aki via Kòrsou, pero originalmente for di tera firme (Sur América). Nan a yega Kòrsou masoméno 4.500 aña pasá. Na masoméno 3.700 pasá un grupo chikitu di e hende di tempu arkaiko a krusa laman for di Kòrsou bini Boneiru.

E promé habitantenan di

Boneiru no tabata konosé agrikultura. Nan tabata alimentá nan mes ku e loke e flora (mata i palu) i founa (bestia) di e e isla tabata produsí. Historiadónan Hartog i Nooyen ta skirbi di diferente nòmber ku e isla tabatin den e tempu ei, for di kua e nòmber 'Bonaire', ku su variante 'Boneiru', a surgi. Entre otro Bonare, Banare i Bonai.

Agrikultura a yega Boneiru ku e segundo grupo di amerindio, ku a move di tera firme direktamente pa Boneiru.

Masoméno 1.500 aña pasá e grupo aki a yega. Nan tabata e téknika di traha artefakto di uso ku klei. Haviser ta yama nan amerindio di tempu serámika. Nan por a planta tambe. Un dje produktonan ku nan a planta tabata entre otro



Palu di watapana.

yuka ku nan a trese for di tera firme.

Yegada di spañó

Na 1499 e promé oropeonan, spañó, a yega Boneiru. Agrikultura no tabata hunga un papel mashá importante den e promé añanan despues ku spañónan a yega Boneiru. E hendenan aki no tabata asina interesá den Boneiru, komo ku den nan konsepto e isla aki no tabata masha kos útil di buska. Nan tabata buska metalnan presioso manera oro, plata i koper, loke e islanan aki no tabatin.

E úniko produktonan di balor ku nan a topa na Boneiru na kantidat grandi tabata palu di brasia òf brazil, for di kua por a saka un sustansia pa tinzja tela blanku pa duna nan un koló kòrá. Na spañó tabata yama e palu aki

'campeche'. Hulandesnan ku a bini despues tabata papia di 'roodverfhout' òf 'stokvishout', pa motibu ku tronkon ta pone bo kòrda riba piská salu (stokvis).

Den e masoméno 135 aña ku nan a keda establese aki, e spañónan a dediká atenshon mas tantu na krio di bestia i tambe eksplotashon di palu di brasia. Ta nan a trese e promé kabritu, karné, baka i, pa no lubidá, nos famoso burikunan for di Española. E indjannan Kaketio ku nan a enkontrá riba e isla aki ta-

bata yuda nan ku e trabou aki.

E hulandesnan ku a okupá Boneiru na aña 1636 sí tabata di otro pensamentu. Nan kier a saka mas tantu pobrechoposibel for di e isla aki, ku e Spañónan a kalifiká komo isla inútil. Salu tabata e produkto pa kua nan tabatin mas interes den kuminsamentu. Salu pa nan industria di peska na Oropa. Nan tambe a sigui ku eksplotashon di palu di brasia (stokvishout) i palu di wayaká (pokhout).

Pa hasi trabou den e saliñanan West Indische Compagnie, ku a haña konseshon pa eksplotá Boneiru komo un plantashi, a kuminsá trese katibu for di Afrika. For di aña 1640 kaba, pues kuater aña despues di e okupashon hulandes, por topa ku katibu di orígen afrikano riba e isla aki.



Palu di brasia





Palu di huku

MONCHI & TONCHI

Mi no ta mira ni tende mashá di 1Union pa Pueblo. Aljano ta ketu.

Awèl sí. Mihó e pidi Mai di Mangusá pa yud'é ku propaganda. 'Famia' nan ta tòg?



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcedencia
Davienuska Janga
Velli Gijsbertha
Edson Pietersz
Ibi Piar (deporte)

Layout
Davienuska Janga
Maya Beaumont

Konsehero:
Bòl Antoin
786-6818
Aviso
avisobon@gmail.com

Bondoet 2023 ta 'on'

KRALENDIJK -- Djabièrnè mainta a tuma lugá apertura oficial di Bondoet na Jong Bonaire. Signalda Domacassé, presidente di Plataforma NGO Boneiru, a dirigí palabra na esnan presente, miéntras Diputado Elvis Tjin Asjoe a hasi e parti di apertura.

Domacassé durante e apertura a bisa: "Henter aña ta hasi trabou boluntario, pero awe nos ke pone atenshon riba esaki. Nos ta un biá mas kontentu ku e proyekto akí i ta 2 dia di

trabou duru, pero dushi ambiente ta bai tin."

Tambe a presentá un baki ku fòrki, kuchara i kuchú, di material duru pa uza. Meta ta pa konsientisá e hende. Bondoet ta dura di djabièrnè pa djasabra.

Diputado Tjin Asjoe: "Bondoet ta dos dia pa duna un man na komunidat. Esaki ta algu hopi importante. Tin diferente grupo ku por hasi trabou pa otro, tur kos ku tin sin pago.

P'esei ta importante pa yuda ku grandinan i otro-

nan ku ta rekerí ayudo. Hasi trabou boluntario por laga bo deskubrí un talento, òf algu ku bo por hasi, sin ku bo tabata sa ku bo por esaki.

Nos ta hendenan ku tin hopi kos di hasi tur dia, tin bes e ta krea strès. Hasi trabou boluntario e ta relahá bo."

Despues Diputado Tjin Asjoe a deklará e aktividat habrí. Na mes momentu el a kue un piki i kuminsá koba pa planta mata na Jong Bonaire.



ZAY DOMACASSÉ

#24

#HUNTU

Huntu nos ta krea kasnan pagabel pa un i tur

MPB

Ministerio di Pueblo Boneirano



Algun dia na Mexico

Fin di aña 2022 mi tabatin e oportunidat pa biaha bai Mexico pa algun dia. Huntu ku mi mama i algun amigu nos a hasi esaki. Mexico no tabata un lugá ku tabata na tòp di mi lista di pais pa bishitá, no pa niun motibu. Lo mi ker a bishit'è un dia sí i e dia ei a yega hopi

mas promé ku mi por a spera. Na chikí mi tabata mira hopi novela meksikano i vários otro serie. Di di e manera ei mi a sera konosí un tiki ku e kultura i pais Mexico. I desèmber mi por a konos'é mas di aserka.

E siguiente dia na México nos a tuma pa kana i konosé e suidat mes, den e sentro 'Mexico City'. Nos a hasi esaki ku un tour, kaminda nos a kana rondó di e suidat ku un guia turístiko ku a duna nos hopi informashon i splikashon di e historia, kultura, monumentu nan i edifisionan den e suidat.

Un di e promé estatúanan ku nos a bishitá tabata e famoso monumento di independensia, ei nan e ta konosí komo 'El ángel de la Independencia'. Esaki ta un estatua largu di 45 meter ku forma di un tóren i ku te ariba un ángel.

A kuminsá konstruí e monumento aki den aña 1902 i na 1910 a inougurá esaki den konmemorashon di e independensia di México. Den e añanan aki México tabata bou di e presidencia meksikano di Porfirio Diaz.

Revolushon

Den e mesun aña aki México tabata meimei di un revolushon. Meta di e revolushon aki tabata pa kore ku Poririo Diaz. Diaz tabata un presidente hopi kontroversial. Di un manda el a sòru pa modernisashon di e nashon meksikano, pero el a pone tambe ku hopi persona i grupo indígeno ekperensiá hopi mas pobresa. El a pone ku diferente negoshi internashonal ku ta invertí bini México pa krese e ekonomía, ku ta hopi bon. Pero un di e konsekuensianan di esaki tabata ku hopi di e gruponan sosial mas pober a keda eksplotá.

E luna i dia ku tabata mas importante den 1910 tabata 16 di sèptember. Tabata den e temporada aki ku surgi e promé 'gritu'. Esaki ta e dia ku meksikanonan ta selebrá tambe nan dia di independensia.

E ángel aki tambe ta duna homenahe na diferente persona importante, ku ta Cura Hidalgo y Costilla, Ignacio Allende, Juan Aldama, José María Morelos i tur héroe ku a lucha i duna nan pida pa e libertat di e pais. Esun ku tabata enkargá ku e monumentu aki tabata e arkitekto meksikano Antonio Rivas Mercado.

Miéntas ku nos tabata kana nos por a siña hopi mas di e historia i kultura meksikano ku tabata hopi interesante.



Dia di morto

Algu ku mi a gusta ku mi no tabata sa masha di dje ta e fiesta meksikano ku yama 'Dia de los muertos'. Tradishonalmente dia di morto ta wòrdu selebrá den kas di famianan meksikano òf na santana, dos kaminda kaminda ku por konektá ku e personanan konosí di nan ku a fayesé.

E tradishon aki sinenbargo a kambia ku e pelíkula di James bond, Spectre, na 2015.

E pelíkula aki ta kuminsá ku un parada kaminda James Bond ta kore tras di un persona mal hende. Den e parada bo por mira hopi persona bistí ku paña i disfrasnan di skelèt, ku ta representá mortonan.

E pelíkula aki a influensiá e tradishon i kultura meksikano. Esnan ku e krea a pelíkula aki a huza e fiesta tradishonal 'Día de los muertos' i a selebr'é ku un parada. Te e dia di awe asina hopi persona ta subi kaya den e parada aki pa selebrá dia di morto. Pues Hollywood a krea un spektakel meksikano i meksikanonan a wòrdu influensiá pa algu ku ta forma algu di nan kultura.

Na kuminsamentu di e pelíkula tambe por mira un esena ku e museo di arte kaminda James Bond tabata pará. Nos a bishitá e museo aki i mi a probechá saka un foto na e mesun kaminda ku James Bond tabata pará.

Ritual

Semper ora bo ta kana den suidatnan grandi, bo ta mira hopi kos ku normalmente bo no ta mira. Algu ku tabata hopi diferente ta un ritual ku algun persona tabata hasi, manera ku ta kita energia malu. Esnan ku ta ehersé e ritualnan aki tabata bistí manera na disfras di karnaval ku yen di pluma i tabata hasi uzo di sensia, muzik, i un líkido, yerba pa praktiká e ritual. Tabatin hopi persona den rei pará wardando pa nan por haña nan turno pa ekperensiá esaki. Asina ta un ritual ku e indígenonan azteka tabata hasi, i ku awendia ainda ta biba den e kultura meksikano

Durante di e tour tambe nos a kome 'taco' lokal. Na final nos a bai bebe algu na un restorant kaminda nos tabatin bista di un parti di e suidat i di e piramitnan. Aki nan nos a haña chèns tambe pa kombersá ku e guia turístiko tokante su bida mes na México. Tabata un dia sigur hopi interesante di kua mi a siña hopi .



Bondoet na Pasadia Villa Antonia



Debidamente por papia di un insidente polítiko

Derecho pa kobra impuesto di turismo ta pertenesé na Entidat Públiko

KRALENDIJK -- E derecho di kobra e impuesto di turismo ta pertenesé eksklusivamente na Entidat Públiko Boneiru i tras-paso di e derecho spesífiko akí solamente ta posibel sí esaki a keda reglá den e ordenansa mes, òf e desishon di implementashon.

Mester bisa ku debidamente por papia di un insidente polítiko, atministrativo i hurídiko, sí un tersero ta kobra e impuesto sin ku esaki ta reglá hurídikamente.

Despues ku un miembro di Konseho Insular a hasi algun pregunta krítiko pa loko ta trata kobransa di e impuesto turístiko, Entidat Públiko Bonaire, huntu ku Kuerpo Polisial Karibe Hulandes, a laga sa ku den e kaso aki no tin kuestion di un echo kastigabel.

Ta parse ku tin algun rebendedó ku na ningun manera no ta afiliá na Entidat Públiko Boneiru i tampoko na Ofisina di Turismo, TCB, ta duna servisio di kobra e belasting menshoná, ta traspasá e montante legal di 75 dòler pa persona i ta sobra 30 dòler pa nan mes.

Esaki ta pone ku e turista sin mester i sin nodi, ta paga mas pa e impuesto, segun Willem Cecilia.

No muchu konfortabel

Cecilia ta trese dilanti, por ta bon ku no tin kuestion di un echo kastigabel, pero e preguntanan di e miembro di Konseho Insular, den purá Entidat Públiko Boneiru a saka un komunikado, tresiendo dilanti ku mester ta alerta i ta solamente un wèpsait original tin pa kobra e impuesto di turista i esaki ta 'tourismtax.bonairegov.com'.

Cecilia: "E preguntanan di e miembro di Konseho Insular, te asina leu ku mi sa, no a keda kontestá ainda dor di Gezaghebber, ku ta na dje dirigí, pero na e reakshon di Entidat Públiko Boneiru por konkluí ku nan no ta sinti nan mas muchu konfortabel ku e situashon i no sa muchu bon kiko eksaktamente pa hasi."

Provasidat

Den un desishon konteniendo medidanan general di dia 22 di ougùstùs 2022, number 5, pa loko ta trata implementashon di e ordenansa pa impuesto di turismo Boneiru 2022, tin pará ku ora hasi aplikashon pa paga e impuesto, e siguiente informashonnan mester keda duná, fam i nòmber di e turista, e pais unda ta biba, number di sèdula, fecha di nasementu i un deklarashon sí e persona ta un estudiante sí ta aplikabel i por último un email kaminda lo manda e komprobante ku a paga e impuesto, segun Cecilia.

Cecilia ta sigui, den e akklarashon di e desishon akí ta splika ku a sòru pa pidi lo minimal posibel na informashon personal ora ta ehikutá e ordenansa. E dato lo keda supliká riba un página sigurá di e entidat públiko pa medio di un formulario ku ta disponibel 'on line'. E datonan pidí ta aksesibel solamente dor di personanan outorisá di e sekshon di finansa di Entidat Públiko Boneiru.

Subiendo riba e wèpsait ofisial, di akuerdo ku

Cecilia, enbèrdat ta pidi e informashon menshoná ku eksepsion di e number di sèdula. Mas aleu ta pidi tambe e fecha di yegada i salida, kuantu dia ta keda riba e isla, kua kompania di aviashon a usa, e meta di e bishita i sí ta keda na un hotèl òf apartamentu. Un detaye ta ku loko ta pidi riba e wèpsait ofisial, no ta kuadra kompletamente ku e wèpsait di e rebendedó.

Diskrepansia

Konsekuensia ta ku por papia di un diskrepansia. Ta generá un asina yamá kódigo, QR, pero kiko eksaktamente e kontroladó na aeropuerto por mira ora e skèn e kódigo. E informashon optené dor di e rebendedó tambe ta generá un kódigo úniko, pero ken tin akses na e informashon akí i nan wèpsait ta bon protehá konforme normanan di Karibe Hulandes i Europa, Cecilia ta puntra.

Dor di pone den e nota di akklarashon di e desishon ku

e dato ta pidi pa medio di un página sigurá di Entidat Públiko Boneiru pa medio di un formulario 'on line' i tambe ku solamente personanan outorisá por wak e dato, e entidat públiko eksplisitamente ta duna di konosé ku defakto nan ta e úniko instansia ku por kobra e impuesto aki. Asta e entidat públiko a duna di konosé ku ta solamente un wèpsait original tin pa kobra e impuesto di turista i esaki ta 'tourismtax.bonairegov.com'. Pues, segun Cecilia, e derecho di kobra e impuesto di turismo ta pertenesé eksklusivamente na e entidat públiko i tras-paso di e derecho spesífiko akí solamente ta posibel sí esaki a keda reglá den e ordenansa mes, òf e desishon di implementashon. Cecilia ta konkluí: "Mester bisa ku debidamente por papia di un insidente polítiko, atministrativo i hurídiko, si un tersero ta kobra e impuesto sin ku esaki ta reglá hurídikamente."

Figuur 2: Website overheid OLB

Payment information

Bonaire tourism tax (USD)

Price: **\$110.00**

Choose the payment method: *

☐ Credit card

☐ PayPal

Previous

VALIDATE

ur 1: Website van een derde.

Mujer Valiente B.V.

tin vakatura disponibel pa

-1 barbero

-minimo 2 aña di eksperensia

Inf. mail na: **mujervaliente1516@gmail.com**

òf yama tel. nr **599 785 6899**

IN SYNERGIA UNANIMUS

KORUPSHON I BON GOVERNASHON

22

Sub-título: Ban wak den spil honestamente

**Nos no ta siegu pa ku e bèrdat ku korupshon semper tabata un plaga riba nos islanan, kisas specialmente durante último tres dékada. Nos ta komprondé ku un garoshi no por move sin krak. I ta bèrdat ku tin korupshon tur kaminda. Pero e gravedat di e korupshon na San Martin, Kòrsou i Aruba no ta aseptabel.

P'esei mester introdusí un mekanismo pa kombatí korupshon den Statút. Mirando ku lo mester revisá Statút komplemento awor anyway, esaki sigur sigur tambe mester keda inkluí den dje.

Sí Ministerio Públiko i Kortenan lo a funshoná mas mihó, kisas esaki lo no tabata nesesario. Pero nan, den kombinashon, a faya. Nan no a tuma medida efektiv te e grado ku nan fayota similar ku kompli-

sidat. Fundashon Akshon Sivil na Kòrsou a prueba esei.

Nos no tin proposishon definitivo riba e tópiko aki. Kisas por lanta un Korte Spesial di Integridat i Anti-Korupshon (KSIA), huntu ku un komishon spesial di investigashon. E Komishon akí lo por funshoná similar ku e komishon pa bèrdat i rekonsiliashon na Sur Afrika. Hende por bin dilanti (boluntario òf pasobra nan ta bou di investigashon), pa konfesá nan aktonan koruptivo òf di otronan. Anto esnan ku ta konfesá lo no haña kastigu di prizòn. Pero nan ta riska pèrdè nan trabou sí. I dependiendo di sirkunstansia, por ta ku nan lo mester paga kompensashon finansiero.

Naturalmente mester prevení korupshon tambe. No ta eksistí niun

sistema fool-proof, pero komishonnan independiente ku ta supervisá ta yuda. Lo mester tin supervishon eksterno pa nombramentu di ámtenar. Ofisialnan enkargá ku poder gubernamental pa implementá maneho di gobièrnu mester tin un karchi kastigu limpi. Na di dos lugá, nan mester tin e kalifikashon rekirí pa e funshon ku nan lo bai ehsé. Na di tres lugá, nan mester tin un bon reputashon i bon étika di trabou. Gobièrnu por nombra nan, pero mester tin un komishon eksterno ku por blòkia kualkier nombramentu, sí e persona nombrá no ta kumpli ku e rekisitonan akí.

Tambe mester tin supervishon independiente i eksterno relashoná ku kobransa di impuesto, kuido médiko, enseñansa, polis i e departamento di hustisia. E komishonnan di supervishon akí ta koperá es-

trechamente ku e KSIA i e komishon spesial di investigashon.

Kisas e lesadó a ripará ku nos no a mencioná Boneiru den e konteksto akí. Esei kiermen ku Boneiru no tin korupshon? Nò, Boneiru tin su parti di skandalnan di korupshon. Pero pa ta sinsero, den a ramo akí Boneiru ketu bai ta un mucha chikí kompará ku su rumanan mas grandi.

Awor e pregunta krusial ta: Ken ta nombra e profeshonalnan den e komishonnan independiente i eksterno akí? Den nos situashon den Reino, nos ta kere ku Hulanda tin ku nombra nan.

Bon, Hulanda tambe tin su propio tipo di korupshon. Sí nos ta atmití ku e asina yamá 'offshore-industry' básikamente tambe ta korupto i asina e ta, e ora ei Hulanda ta un di e paisnan mas korupto na mundu. Ademas, Hulanda no ta limpi di otro tipo di korupshon 'normal' tampoko. Pero pa ku nos islanan, nos ta kere ku Gobièrnu Hulandes ta suficiente neutral pa ta kapas di nombra e miembronan di e komishonnan akí.

Korupshon ta un tópiko difísil, pasobra en realidat solamente bèrdat no ta korupto. Anto nos tur ta desviá for di bèrdat de bes en kuando. Ademas, kualkier forma di kodisia ta korupshon. En prinsipio

no tin nada malu den hasi un ganashi honesto riba benta di un bon produkto òf risibí un pago razonabel pa un servisio útil. Pero, en realidat ta kodisia ta drai nos ekonomia. Anto no ta bèrdat ku nos sistema ekonómiko ta transferí e parti mas grandi di ganashinan na un élite chikitu rikísimo?

En korto, nos sosedat komplemento ta yen yen di korupshon. Pa sali for di e pantano aki, nos mester di un sistema ekonómiko nobo promé. E sistema nobo aki ya a inventá kaba. I a keda probá den praktika tambe, pero e no a kue rais na gran eskala ainda. Nos ta referí na e sistema yamá 'Kapitalismo Universal', kreá pa e hurista/ekonomista Louis O. Kelso, huntu ku e filósofo Mortimer J. Adler.

Nos no por bai den detaye over di e solushon aki pa kura korupshon. Pero nos ta enkurashá e lesadó pa studi'è. Djis konsiderá e hoyá di Kelso aki: "Téknikamente e arena Romano tabata un 'level playing field'. Pero na un banda tabatin e leonnan ku tur nan armanan i na e otro banda tabatin e Kristiannan ku tur nan sanger. Esei no ta un 'level playing field'. Esei ta un matansa. I asina ta tambe sí ta laga hende drenta e ekonomia sin kapital, miéntras un par di hende ta drenta e ekonomia ku miónes i miónes mas ku nan por usa."



KÒRSOU


Lansamentu ‘Creative Leadership Seminar Curaçao’

WILLEMSTAD -- Djadumingu awor organisadónan di ‘Creative Leadership Seminar Curaçao’ tei na Park Otrobanda pa sera konosí ku esnan interesá pa partisipá na e seminario di liderazgo kreativo. Fundadó di Cre8tive Revolution Group, Kevin de Randamie, tambe ta partisipá na mesa rondó ku diferente empresario kurasoleño, manera Rayay, Pito Polo, Roël Sambo, Raygen Zuiverloon i mas komersiante notabel.

E evento di lansa-mentu ta grátis i lo kuminsá mitar di seis di atardi. Esnan interesá por hasi pregunta i partisipá na e mesa rondó unda ta papia tokante kreativitat komo materia prima empresarial i kon pa krese negoshi.

Alabes Cre8tive Revolution ta hasi uso di e oportunidad pa laga sera konosí ku nan promé miembro premium di Cre8tive Revolution, Rayay di Island Afro, via arte, kuminda, músika i salú.

Island Afro ta ko-anfitrión di e evento di lansamentu anto lo organisá un bríndis ku ta tuma lugá entre 8’or pa 11’or di anochi.



Durante e evento di lansamentu, tin oportunidad pa kumpra dos karchi pa e preis di unu, asina e lugá di abo i bo tim ta garantisá.

Dia 2 di mart Cre8tive Revolution Group a duná un bista virtual riba Instagram di e seminario dinámiko akí, ku por wak bèk riba Kevin de Randamie su página di Instagram @blaxtar_.

E seminario di tres día ta tuma lugá 14, 15 i 16 di mart, na Kolab Innovation Hub & Coworking, Otrobanda.

Kreativitat i negoshi

Segun fundadó di Cre8tive Revolution Group, Kevin de Randamie, kreativitat ta e materia

prima empresarial mas supestimá di nos planeta i na Kòrsou esaki no ta un eksepsion. Nos komunidad mester di komersiante ku ke tuma responsabilidad pa su komunidad i su espasio empresarial.

Cre8tive Revolution ta respondé na e gritu akí dor di krea kolektivamente un movimentu global, pa motivá empresarionan pa brasa nan kreativitat, pa asina optené e gran impakto ku nan meresé. Nan ke logra esaki dor di kompartí konosementu, duna formashon i guia e empresarionan den e estableimentu di nan kapital kreativo.

Dos na preis di unu

Ora inskribí na e seminario di liderazgo kreativo durante e evento di lansamentu, por optené dos karchi pa preis di unu. Asina abo i un miembro di bo tim, por profundisá boso kompromentmentu di e sikologia tras di e balor i ekonomia di kreativitat i kon pa multipliká esaki.

Komo partisipante lo bo optené diferente strategia ku lo yudá bo verbalisá bo mishon, siñá bo kon pa krea aliansanan efektivu i

klarifiká bo balor agregá na klientenan i partnernan. Tambe lo bo krea un vision strategiko kompleto di bo práktikanan komersial,

banda di un ‘Blue Océan Strategy Canvas’, ku ta yudá bo distingui bo mes di bo kompetensia.

CRE8TIVE

REVOLUTION

CREATIVE LEADERSHIP SEMINAR
CURAÇAO
3-DAY SEMINAR HOSTED BY CRE8TIVE REVOLUTION

JOIN *the* REVOLUTION
14, 15, 16 MARCH 2023
Location: KOLAB, Langestraat 6A, Willemstad, Curaçao
More information: Whatsapp +31 6 84547064

Retiru ofisial di èks minister Pietersz-Janga

WILLEMSTAD—En trante 8 di mart 2023, sra Dorothy Pietersz-Janga no ta fungi mas komo minister den gabinete Pisas II, unda e tabata okupá e funshon di

minister di Salubridat, Medio Ambiente i Naturalesa.

Despues ku e partido a hasi petishon na e minister pa entregá su retiro, e eks minister a pidi tres dia pa

e pensa riba e proposishon. Di forma ofisial Pietersz-Janga a entrega su retiro na gobernadó ku a bai di akuerdo ku esaki.

Dos detenshon relashoná ku violashon di lei di opio

WILLEMSTAD-- Djaweps 9 di mart 2023 durante di un kòntrol den área di Fuikstraat, polis nan di Punda a topa ku dos hòmer sospechoso den posishon di un kantidat di

droga i plaka kèsh.

A konfiská e droga i plaka kèsh i a detené sospechosonan.

Ta trata di D.J.D., di 30 aña di edat i J.J.H., di 35 aña di edat tur dos nasé na

Kòrsou.

A presentá ámbos sospechoso dilanti un fiskal ouksiliar ku despues di interrogashon a ordená nan enkarselamentu pendiente di mas investigashon.

Aksidente ku morto

WILLEMSTAD-- Sentral di Polis riba djaweps atardi a risibí informashon ku un aksidente mester a tuma lugá na Berg Altena. Na yegada di polis a topa ku un señora pegá den su vehíkulo.

For di e investigashon preliminar ku polis a hasi na sitio a resultá ku e señora lo mester a bira

malu bou di stür i despues aksidentá.

Ambulans ku a presentá na e sitio a transportá e señora ku múltiple leshon na su garganta pa CMC.

Alrededor di 21.40 dòkter a konstatá morto di e señora Melba Carlota Praag-De Jongh, nasé na Kòrsou, dia 11 di mart 1931.

STATIA/SABA/ST. MAARTEN

Klousura St. Maarten Heineken Regatta



ARUBA

Baron di droga cu tabata uza Aruba como trampolin deteni

ORANJESTAD -- Na Colombia den curso di djaweps a haci un anuncio grandi cu captura di algun persona grandi den mundo di droga cu tabata uza entre otro Aruba pa transporta droga pa otro paisnan. Esaki a wordo anuncia via di un informe oficial door di Policía Antinarcóuticos. Nan a bisa cu den coordinacion cu Ministerio Publico y Agencia Antidroga (DEA),

di Merca, a logra captura 7 persona pidi den extradicion door di distrito zuid di Florida.

Di acuerdo cu informacion cu e grupo aki a duna, esnan aresta ta forma parti di un red criminal yama Los Pajaros cu tin relacion cu cartelnan dedica na trafico di cocaina na Republica Dominicana, Puerto Rico, Jamaica, Aruba y Haití.

De acuerdo con Antin-

arcóticos, “los capturados hacían parte de una red criminal que se hacía llamar ‘los Pájaros’, con nexos con carteles dedicadas al tráfico de cocaína en República Dominicana, Puerto Rico, Jamaica, Aruba y Haití.”

E droga cu e grupo aki tabata proceso tabata sali for di Nort Santander, via di La Guajira, uzando diferente isla como trampolin pa despues yega Centro

America y Merca. Den dos operacion a confisca mas cu 2 mil kilo di cocaina procedente di e area Colombiano menciona.

Aparentemente durante dos aña, cu e investigacion a dura, a confisca di e grupo aki 15.6 ton di e material pa procesa cocaina, balora na 144.429.500 dollar. Albis Pinedo Alarcon, alias Albis, ta wordo señala como hefe di e organizacion.

E ta abogado pero a yega di ocupa diferente puesto publico na La Guajira.

Manera por corda, no solamente autoridadnan di Aruba pero e barco di guerra Hulandes den Caribe den e ultimo mita di 2022 a confisca cargamentonan grandi di droga. Den un relato anterior a calcula esaki na mas cu 35 mil kilo.

Accidente entre 3 auto ariba Sero Tijshi

ORANJESTAD -- Diahuebs den oranan di mainta polis a bay entre rotonde Sero Tijshi cu rotonde di Mahuma, pa un accidente entre dos auto y un bus di Arubus. Polis di trafico a cera e caminda, esta entre

e dos rotondenan debi cu e autonan tawata ariba caminda.

Un otro bus di Arubus a presenta la tuma e pasaheronan over pa asina nan por yega nan destino. No tawata tin hende herida.



Alberto Groeneveld laga liber

ORANJESTAD -- Ya caba diaranson atardi laat Alberto Groeneveld a haya su libertad. E tabata un di e cuatro personanan deteni den cuadro di investigacion relaciona sexting, extor-

sion y labamento di placa. Un caso unda cu a confisca mas cu 100 florin na un solo sitio. E persona aki riba su Facebook a publica, despues di a sali liber, cu el a wordo condena sin sa

contenido di e caso.

Segun e splicacion cu el a duna, el a haci denuncia di e caso, e no a bisa si e tambe tabata un victima. Pero si loke el a pone bon cla den su mensahe cortico

tabata “ami ta inocente”. E tabata un di e cuatro personanan deteni siman pasa ora cu autoridadnan a cuminsa actua contra un caso unda cu lo tin un rabo largo di extorsion.

Pero despues di e prome informe di siman pasa dia-bierna, no a tende nada mas. Ni si ta solamente un persona a wordo laga liber of tur otro hende mas y ki rumbo e caso ta bayendo.

Sí sosten kai afó

Ta spera oumento pobresa fuerte

HULANDA – Kasi un mion hende e aña ku ta bini ta kai bou di e frontera di pobresa, sí no bini un maneho nobo di sosten. Esaki e ofisina di planifikashon sentral, CPB, ta spera den e plan ekonómiko sentral. E aña akí ta trata ainda di un 815 mil persona asina.

Minister Carola Schouten, responsabel pa maneho di pobresa, ta yama e sifranan preokupante.

E ta laga sa ku Gabinete

ta trahando na medidanan pa e grupo akí. Na e nota di inisio di aña, ta bai bini mas klaridat tokante esaki.

E sifranan di CPB ta importante pa e nota di inisio di aña di e gabinete. E kalkulashonnan ta duna bista den e konsekuensi- anan di e maneho aktual i pues tambe e konsekuensi- anan komo maneho ku no a adaptá.

Riba esaki Gabinete por manehá.



Gabinete ta skrap último medida di Corona

DEN HAAG – Gabi- nete a skrap e último me- didanan di Corona. Esei ta nifiká ku hendenan ku keho no mester keda kas mas i no mester hasi tèst propio mas. Esaki Minister Ernst Kui- pers di salubridat públiko, a anunsiá despues di reunion di Konseho di Minister.

Gabinete a tuma e kon- seho di Outbreak Manage- ment Team (OMT). Den

e konseho di fin di luna pasá, OMT ta stipulá ku e pandemia di Corona no tei mas, pero e ta den e asina yamá fase endémiko, loke ta enserá ku e vírus ta konta bou di e bida diario.

Momentu importante

“E ta un momentu impor- tante. Tambe pa para ketu un ratu,” Minister Kuipers a bisa. Algu mas ku tres aña

pasá, Hulanda a konosé su promé pashènt di Corona, e minister a trese dilanti pa rekordá. Entre tantu nos ta den un otro fase. Nos sa ku Corona nunca mas ta bai i e kantidat di pashènt tambe ta subi i baha. Danki Dios kasamente tur hulandes a konstruí un forma di resis- tensia. Nan a pasa dor di in- fekshon, òf a haña bakuna di Corona.

E kantidat di hende ku tin mester di kuido médiko dor di malesa serio, tambe ta limitá. Esaki, segun Kui- pers, ta nifiká ku nan por pasa dor di Corona, manera ta hasi ku otro tipo di vírus.

E minister ta hasi un yamada na tur hende pa ta inteligente i sigui biba ku e medidanan di higiena,

manera tosa i nister den èle- bog, laba man regular i sòru pa bon ventilashon den kas. Na momentu di keho, hen- denan mester keda kui- dadoso i tene distansia for di otro, sigur for di hende- nan ku salú vulnerabel.

Preshon di Corona

E kantidat di pashènt di Corona den hospitalnan djabièrnè a baha bou di 900, pa promé biá den un siman. E último diano 23 kama a bini liber. E kanti- dat di hende ku ta drenta tambe a baha, pa promé biá den un luna. Sinembargo ta muchu tempran pa bisa ku esaki a alkansá e pik di e ola di Corona.

Hospitalnan aktual- mente ta atendé 884 hende

ku ta sufri di e vírus di Co- rona, Landelijk Coördina- tiecentrum Patiënten Spre- iding (LCPS), ta informá. Esaki ta 43 ménos ku djá- rason. E tempu ei tabatin 927 hende ku a tèst positivo den e hospitalnan, e kantidat di mas haltu desde medio òk- tober.

Den e último diano, hospitalnan a interná 151 pashènt nobo di Corona. Hopi di nan a resultá riba e seshon di enfermeria. Du- rante e último shete diano di trabou, pro medio kasi 174 hende ku Corona a re- sultá den un hospital. E pro medio akí a baha algu kom- pará ku djaweps. Desde 9 di febrüari e kantidat di hende ku a resultá den hospital a subi konstantemente.



F16 ta hasi aterisahe di prekoushon

GRONINGEN – Un F16 di defensa aéreo Real djaweps mainta a hasi un aterisahe di prekoushon na Groningen Airport Eelde.

Segun un bosero, e avion a dal kontra un para. E ora ei a sera tur rísiko i a aterisá na e base di mas serka.

Anteriormente e avion a sali for di e base na Volken

pa un buelo regular. E pilot a baha e avion seif, segun e base na Volken.

Segun e servisio di e aeropuerto di Eelde, e aterisahe a bai bon i e pilot no a resultá heridá.

Tabata parse ku e avion lo no a sali mas djaweps pasobra un piesa a resultá dañá.



Enkuesta ta demonstrá:

Live99 ku mas sintonia

KRALENDIJK- Live99 a sali e radio ku mas sintonia despues di un investigashon organisá pa Rijksdienst Caribisch Nederland (RCN). Di fuentenan digno di krédito BONERIANO a komprondé ku algun luna pasá RCN a ehikutá e investigashon aki. A hasi un

enkuesta pa asina haña un bista di e grado di interes di komunidad den medianan di komunikashon.

Segun nos fuente Live99 a skor 75 porshento i Breezy 50.6 porshento. Nan ta e 2 radionan ku mas oyente. Riba medio sosial por a mira ku bonaire.nu a risibí

73 porshento i aki Live99 a haña 63 porshento ku su página di facebook.

BONERIANO a tuma kontakto ku Lucia Beck, hefe di departamento di komunikashon di RCN ku a konfirmá ku e investigashon a tuma lugá. “Kada 2 aña nos ta hasi e investi-

gashon aki bou di medianan di komunikashon.”

E ta splika ku e investigashon ta pa duna RCN klaridat tokante kon nan aviso, komunikashon, komunikado di prensa, página di facebook i programa di radio ta yega na e pueblo. A base di e resultadonan

RCN por adaptá su manera di komuniká ku komunidad.

Beck no ta konfirmá e resultadonan. “E resultadonan no ta públiko ainda pues mi no por konfirmá esaki.

Pronto nos lo invitá prensa pa informá tokante esaki.”

Bashamentu di bala den Salon di Reino

H A M B U R G / KRALENDIJK—Durante un sirbishi religioso di testigunan di Yehova na siudat Hamburg, nort di Alemania, un èks miembro di e komunidad di 35 aña a tira shete persona mata. Despues di e akto el a kometé suisidio. A identifiká e outor komo Philipp F. di 35 aña di edat

F a tira riba shete persona, inkluyendo un muhé ku tabatin shete luna na estado. Mama di e beibi a sobreviví, pero lamentablemente e beibi si a fayesé. Kuater hòmer i kuater muhé, entre 33 i 60 aña di edat a pèrdè nan bida. Tin 4

otro persona den situashon kritiko na hospital.

Motibu di e masakre no ta konosí. Sinembargo polis no ta ekskluí ku ta trata aki di un asina yamá 'Amoktat', un asesinato kometé pa un solitario ku generalmente ta aktua pa motibu personal. Segun un diario lokal di Hamburg, a ekspulsá e hòmer for di e komunidad religioso un aña i mei pasá.

Polis a risibí tambe un aviso anónimo di F su "estado mental", pero no a hasi nada ku esaki debí ku no tabatin motibu pa intervenshon.

Senador lokal Andy

Grote a bisa “ta un krímen teribel”,. “Esaki tabata un

akto repugnante. Nos no a mira nada manera esaki na

Hamburg den historia resien.”

GUILLERMO NOGUER
#21

#HUNTU

"Huntu el pueblo Boneriano i la komunidad Latina pueamos seguir adelante para mejorar bienestar sosid del pueblo Boneriano."


MPB
Movimiento di Pueblo Boneriano

RICHARD PALSGRAAF
#22

#HUNTU

"Huntu staan we voor gelijke kansen in het onderwijs."

MPB
Movimiento di Pueblo Boneriano



DEPORTE

Apertura weganan eskolar interinsular

KRALENDIJK -- Boneiru por ta orguyoso ku e apertura di weganan eskolar interinsular 2023.



Despues ku for di aña 2016 esaki no a tuma lugá mas, djabièrnè tabata tin e gran apertura aki na Boneiru.

E kompetensia pa weganan eskolar interinsular a start djabièrnè mainta kaba na Club Soho, kaminda a

kompetí den dam i ahedres.

E aña akí e kompetensia pa weganan eskolar interinsular ta entre Kòrsou, Aruba, Boneiru i Saba.

E apertura oficial a tuma lugá djabièrnè atardi na SKAL, kaminda tur e tim-

nan a topa otro i tambe invitadonan pa hasi e weganan eskolar interinsular 2023 ofisial.

INDEBON ta deseá tur partisipante di Aruba, Boneiru, Kòrsou i Saba, éksito pa e kompetensianan.



3030

YEARS PRIZES

City Shop ta hasi aña
y nos lo selebrá na **GRANDI!**

30 AÑA - 30 PREMIO



1. Hasi un kompra di \$50 bai ariba.
2. Scan e kódigo QR aki ku bo telefòn.
3. Yena e formulario.

Bo ta partisipando!

Bishita nos página di Facebook i haña mas informashon tokante e konkurso aki.



1st Prize: A Changan CS15 2023!



City Shop
Smart shopping • Better living

30
ANIVERSARIO

f /CityShopBonaire